

武志

卷貳

寧武府志卷之二

山川

寧武縣

華蓋山郡北倚郭山也俯瞰城陰一峯特秀形若華蓋明時築護城墩樓於上劉養志有碑記之墩名永寧築於萬曆甲午歲

管涔山一曰燕京山在縣西南六十里其高七里周蟠五里下有龍池為汾河源餘岑別嶂遠近透迤綿繹相屬雖名稱異出實本一山也山海經云管涔之山無草木而多玉今絕不聞

寧武府志

卷之二

山川

二

覈焉者山海經云管涔之山汾水出焉淮南子汾出燕京酈善長注汾水引關駟十三州志云汾出燕京亦管涔之異名也是其一山明甚特古人所稱偶有不同或在昔時本有二名耳如魏志所列燕京在縣西南二十里管涔在西南六十里而汾源則在管涔其勢邈不相接淮南關氏豈得為說而曰汾出燕京與其異名者乎



意魏志所謂燕京者其山初未必有此名大抵後之志地理者強相傳會而加之及傳之久遂以爲然而莫能辨其非也

蘆芽山在縣西南九十里寧化所連東西馬頭二山及高喬諸山層巒疊嶂峻削壁立繁薄蜿蜒以亘貫於五寨岢嵐靜樂間

火山在縣西四十里分水嶺北童然無草木冬時山上亦烟氛蒸鬱熱氣薰灼人不敢近

樓子山管涔諸峯之一也西山間有神祠祠下汾水

寧武府志

卷之二

山川

二

源所出有古碑刻云汾源靈沼歲月不可考樓子山下爲支鍋石山有支鍋小水入汾

分水嶺在縣西南四十里嶺東爲恢河源嶺西數里爲汾河源

魏志云意此爲宋遼分界處

石門山在縣西五十里

棋盤山在縣西南六十里上有石枰多青紅杆樹

清真山在縣西六十里西距蘆芽嶺三十里而形勢相接其高八里山巔有泉下垂號曰水簾中有窟

真菴最為勝地

虎頭山在縣西七十五里高三里周五里巔方峻險人不能涉六月常有積雪

魏志云通考寧化有雪山建四砦當卽此山也
林溪山在蘆芽山後五寨縣界山下有泉名龍眼爲汾河別源

樓煩嶺俗訛六番嶺在郡城南七里崞縣志名六盤嶺

六盤嶺車馬徒行至此皆盤行六折而後上崞

寧武府志

卷之二

山川

三

志之名得實矣六番義猶六盤恐未果爲俗訛而其舊之本號樓煩也

鳳凰山在郡城南七里接六盤嶺與崞縣界鳳凰山左右諸峯屬絡有紫峯山有橫山有蓮花山段家山刁胡山麻靛嶺牛家嶺宋村嶺壩塢嶺皆城南山也城南十五里有駱駝山高五里

鷓兒嶺石湖嶺皆在縣南明嘉靖二十年副總兵丁璋與虜戰死石湖嶺下

梁峪山在縣東十五里梁峪水出其下

柳房山在縣東北二十五里連城門山高三十餘丈
周盤二十里山中有洞石佛龕其中不知何時鑿
者

虎城洞在縣北三里

黃華嶺在縣北十三里大嶺也寧武神池南北限焉
上有墩臺敵樓

仙人洞在縣西三十里高七里周十五里有大石門
小石門環山皆產香菌

回春谷在縣西百里谷中周廣數里巨石盤旋峭壁
寧武府志

卷之二

山川

四

千仞其內氣和如春近正月時蟄蟲皆振衆草已
綠蓋地處隱奧霜冽風肅氣不得侵故也

神林山寧化西南三十里高二千丈周二十餘里北
接蘆芽西連荷葉坪東通州湖口林木阻深

鷹嘴山在蘆芽之陽右嘴下垂山色黝黑

虎北山在寧化城西北四十里峭壁連天澗幽林茂
有紫峯滴水窟岩天生洞穴可避兵革

炎峯山在寧化南八里挺秀巖峯下有龍池山巔古
寺遺址殘碑尚存

觀棋山寧化東一里上有烽臺龍池在其下或云
時有將軍者旱而祈焉龍應禱矣

西崖山其峯峻絕勢似欲墜明時置戍守之

汾水出縣西六十里管涔山之樓子山聖母廟下與
林溪山龍眼泉合流於支鍋石前其旁石罅多水
脉西南流自三馬營經二馬頭馬兩營至寧化北
屯合天池水流寔巨又經壩門口合蘆芽山水又
經南屯村川湖屯溝口村十家莊南流經定河村
又南至潘家灣行地一百五里南流入於靜樂漢

寧武府志

卷之二

山川

五

地理志云汾陽縣北山汾水所出西南至汾陰入
河過郡二行千三百四十里

魏志云水經注稱汾水又南與東西溫溪合今
靜樂志有溫泉二一見石嶺山一鑲孃山所稱
溫溪者或卽此歟寧武二馬三馬營田六七十
頃藉汾水之潤縣中田在山坂少渠道唯此土
富饒

恢河源出縣西南四十里分水嶺東北流經郡城南
門外又東流出陽方口入朔州境一名渾河

魏志云按水經則寧武天池乃桑乾河源之
遠者

天池在縣西南四十里天池山元池在天池東七里
山巔俗謂之雌雄海子崗麓相間而津脉潛通池
自西南流由寧化北中山寺出峽注於汾水唐時
置天池元池牧監各一設使領牧馬卽其地也水
經注云桑乾泉卽濠涓水者也耆老云其水潛承
太原汾陽縣北燕京山之天池池在山原之上世
謂之天地方里餘澄渟不流皎焉冲照池中無斥

草及其風籟有淪輒有小鳥投淵啣出陽燁不耗
陰霖不溢無能測其淵深嘗有乘車池側忽遇大
風飄入於水有人獲其輪於桑乾泉故知二水潛
流通注矣池東隔阜又有一石池方可五六十步
清深鏡潔不異大池

魏志云天地方廣可十餘里元池方圓可五六
里水經注稱石池方可五六十步殆未之見也
太原志云天池卽祁連泊池在靜樂縣北一百
四十里古稱祁連池在秀容界乃靜樂卽古北

秀谷地志言是也

黃華澗水出黃華嶺一由城東開東南流一由城西關南流皆入於恢河

鳳凰山水自鳳凰山北流至縣東南入於恢河

蘆芽水出山中東流至壩門口入汾

王瀾澗河出靜樂山中西流至縣之溝口村入汾

秋泉卽通志古泉也在縣治東北萬壽山有石甃之

一泓澄澈春夏漸涸民人抱瓮而汲者以先後爲

次不得越取立秋日始盛七月後水與階平取之

寧武府志

卷之二

山川

七

不竭

東洋河出分水嶺流合天池水

西洋河出岑峯山定河出神林山壩河出荷葉坪下

三水與東洋水俱入汾

南泉南城外二泉並湧味冽

釀泉漢山南城里許土阜上可釀酒人呼釀泉

偏關縣

九龍山在縣城外九峯相環術者以爲茲山地脈之善故城臨絕塞屢被重敵而訖無兵燹之禍

光嶺在縣東北一里北漢建塔處也或云遼時
置武寧縣於此

雙鳳山在縣東七里兩山對峙中界關河下有泉二
名鳳眼

魏志云卽三關志三鳳山也

虎頭山劉家山張家山並在縣東四十里草廠山在
縣東六十里

吳泉嶺在縣東七十里高百餘仞西與草廠接雖當
炎暑涼風凜然下有泉

寧武府志

卷之二

山川

八

馬鞍山在縣東七十里明嘉靖四十三年俺答由此
山入犯老營堡

鵬窩山在縣東七十五里

西山在縣東七十五里石壁嶄絕人不能陟

馬家山在縣東八十里有朝陽洞洞中有陰陽二穴
陰穴燭以炬可窺其底陽穴深不可極近穴如聞

風雨聲

鐵溝樓在縣東八十里亦險隘地也又東五里有鵝

兒砦

漢碑馮在老營堡地馬鞍山之夜游擊樂奉
謨禦之墮虜伏中七百餘人皆殺巡撫萬恭勒雙
碑記七百人於此故塢以之稱

馬頭山在老營堡西北高三十里亭亭直上

地椒崩在老營南地椒

土塞山在縣東九十五里孤峯獨秀迤出羣山

大蟲嶺在縣東百里奇峯峭立岩壑幽邃昔多茂林

今則童矣

南堡山在縣東百里土山載石所謂礮也周數十里

寧武府志

卷之二

山川

九

上有五色石

好漢山在老營堡東

霸子山在關東三十里

柏楊嶺在縣東百里昔多柏楊故名縣東百里又有

鄧家山山如南堡

南北長嶺在縣東百三十里周四十里

鐵駝馮沙在縣東十五里沙中藏鐵如臥虎之形

翻座山在縣東南二十五里

萬溝廟山在縣東南四十里上有古廟碑蝕不可辨

爲何時廟也

龍霸山在縣南四十里高七里盤踞十五里

昭君塢在縣西北二十里昔傳明妃嘗至於此矣

紫荆山在縣西北二十里

北峯岩在縣西北五十里高數百仞下臨黃河有石洞數十處又一里絕壁懸崖中有鐵索懸一棺故老相傳爲金北峯之柩人不能近未知北峯何人矣

北石梯嶺在縣北十里連滑石澗老牛灣二堡

寧武府志

卷之二

山川

十

十八盤在縣北四十里高百餘丈

明燈山在縣北五十里高百餘丈巖峽中貯大鐵盞或言昔現佛燈光照山谷

東長石嘴在縣北五十里與西石嘴對峙峽東長五六里河流經其中東右岸西右岸乃中外分界地也

常勝山在縣北六十里右連老牛灣左接滑石澗

蠶虎口在滑石澗稱邊隘地

白龍殿山在縣東北五里山下有石洞崖上木時

洞中禱雨則應

草梁山踰高山駱駝山皆在縣東北七十里或傳明曹國公李文忠北征時常駐兵駝山下山有洞頗深土人秉炬入里許蝶大如箕翔舞來撲炬幾滅乃返自是無更入者

視遠洞在縣東北一百十里乃五眼井邊隘也戍樓遠眺下有石洞

了角山在縣東北偏頭之山爲北派接大同之了角而西爲草梁明燈紫荊以至老牛灣而西盡於河

寧武府志

卷之二

山川

十二

王家屏修守三邊記偏關起巖崖窮而訖於了角溪洞在縣南三十五里迤西村洞中怪石錯峙人二里聞水聲不復能前矣

官河卽關河也自朔州流入縣境其源有三遠者出朔州狐狸溝鳴子坪近者出老營堡東鴉兒崖下最近者出縣中馬站堡西沙窰寺萬泉匯流經偏關城南繞而西北至關河隘口入黃河後多淤塞惟沙窰諸泉湧流由泉距城二十五里繞城又濱

流至寧武府偏關縣老牛灣入關河口其南則
套也胡渭云黃河自廢勝州東入塞其東岸則平
魯衛又南逕府谷縣東其東岸則河曲縣保德州
府谷在陝西葭州東少北三百四十里河流逕黃
甫川東九里入縣界又南逕縣東去縣百步河曲
在山西太原府西北五百二十八里黃河在縣西
北太原府志云自縣東北故東勝州境轉而西南
流八十里至縣西北平泉村復轉西流九十里至
百十里東接鴉嘴山西通黃河

寧武府志

卷之二

山川

三

天橋峽又南流入保德州界偏頭關在縣東北
百十里東接鴉嘴山西通黃河
魏志云自老牛灣口界緣邊曲溯西關口距縣
城二十里下達樺林營

海子溝在縣東二十里泉勢噴溢

迤溪溝在縣西南三十五里有溪澗滴水成乳

滑石澗在縣北六十里有堡

大泉溝在縣北七十里地有湧泉每雨泉溢會紅水
溝流入關河

後海子在水泉堡西南入紅門口者取汲焉口外
塞垣又有南海子在官道傍

白龍洞泉在洞口崖側泉傍雖夏日不知暑也
黑水泉色黑味烈在城西南百步許

神池縣

黃華嶺一名摩天嶺高齊之世所稱達達嶺也中峯
高四十丈周蟠七十餘里上蓋有長城舊跡云其
東南綿界寧武西北躡李神池者過三十里焉

石炭窰山在縣西南十五里產石炭

寧武府志

卷之二

山川

三

旗山在縣西南三十里蟠旋二十里峯高三十五丈
東接黃華嶺西連五寨諸山參差斜而狀有似於
繆旂矣一曰霸王嶺則里俗之稱也

淇佛山在縣西南六十里爲蘆芽支峯山有石廬廣
二丈或云旱時往祈有神蚊賜水於瓶內火燎炙
取之下山輒雨大抵巫者爲之

東雪山東去八角堡十里高二十里深夏雪不消
五連山在縣西十里高九十六丈蟠十里自縣連
峯阜屢多懸伏者

鳳凰山在縣西二十里高三百餘丈山中有紅黃小鳥每雪霽則飛翔爭鳴

輓轆窰山在縣西七十里中有洞洞口懸輓轆登山者挽而上洞方廣一畝或云可容萬人其能爲靈異如五臺清涼石泉

神池在城西門外環城西南冬夏不涸一名西海子明劉養志神池堡文昌祠記踰黃華嶺而下自巖抵麓地少平有水一泓出無源去無跡雨旱不盈澗名曰神池有古城遺址

寧武府志

卷之二

山川

十四

魏志云神池在縣城之西其西南北三面山木及城東大澗口水之西流者皆注之注爲大池年久淤塞居民多佔耕者而古蹟遂湮乾隆二年縣令李識蒙到官始按舊界稍理淤壤歸之池然已不能盡復其故識蒙自有記刻石縣中紫龍池在神池城北二里東山上山有龍祠

溫泉出縣東五里溫嶺下

東泉在縣東二里南泉縣南一里與溫泉皆注於神池南泉者或云昔有胡僧趺坐其處以手爪地而

泉湧

興龍河故義井河也源出義井東北山趾南流復西至五寨縣三岔堡與瀾連水合康熙中六師征噶爾丹駐此方乏水而河流驟溢明日軍行水亦復故乃有是名矣

青羊渠水在縣東北三十里諸山谷水皆匯此

達沐河出縣北利民堡南辛窰村山麓平地湧泉其水澄澈冬月猶溫岸草不枯曲折西南流入五寨縣至三岔堡凡九十里與五寨南山水合

寧武府志

卷之二

山川

五

魏志云今利民堡元之達沐河成也故城遺趾在今堡西南五里

魏志義井達沐兩河皆至五寨三岔堡與五寨水會然於義井則云會瀾連水於達沐則云會南山之殊頽水說已不同及觀所志五寨之瀾連水則又云達沐河自東曲折九十里來注而無復會殊頽之文是更自軋矣至覽篇首所列五寨縣圖其中水道唯注殊頽於傍若瀾連水

條無有河即抑其記瀾連水所經縣地東西

折尤多不分明且并不言義非蓬沐會瀾也
自縣中西流經岢嵐河曲保德以入黃河而第
云西入黃河則似黃河且歸五寨矣

五寨縣

蘆芽山在縣南六十里高二十餘里其所蟠周則西
接岢嵐東帶寧武南連靜樂而雄踞五寨峯巒特
秀前有羣山森列名小蘆芽上有金龍池五龍洞
秀峯嶺紫峯崖鳳凰嶺東西火場大小天淵東身
峽捨身崖九光梯華嚴寺說法臺金佛堂太子殿

寧武府志

卷之二

山川

七

諸勝釋氏以為古毘盧佛道場也太子殿尤居
頂久旱可禱明中世時山中佛寺頗衆紺宇精藍
緣崖依澗多唐宋所遺而林木慎茂景初為
盜所據於是刹舍灰飛緇徒畧盡曩之勝觀無復
一存今訪舊跡唯太子殿存焉

魏志謂蘆芽一名大峪山一名太古牢山蓋其
謬假水經遼史而為強說者勿論今五寨非蘆
之中陵縣地固未得以屬注中陵川水而蘆

蘆芽為大峪山

州南至天池皆我耕牧之地今宋人烽墩內移
似非所宜道宗然之乃令頗的使宋求天池廟
地而使蕭迂魯屯太古牢山以備之夫太古牢
山乃契丹國語在中國不知當作何等名然史
明言道宗獵於此則太古牢山當屬遼西京近
地且宋史稱遼求天池廟地河東帥龐籍訪於
都監郭達達以太平興國中故牘証爲宋土遼
人愧服天池且爲宋土而五寨當宋時實界岢

嵐火山兩軍州而處其中而蘆芽又在今五寨
南六十里去岢嵐尤近遼主安能入獵於此而
又安能使其將屯兵於此乎是不得強指蘆芽
爲太古牢也明甚必欲謬而稱之豈實錄也哉
看花臺在蘆芽山城東南四十里上多異卉

南峯臺城東南五里羣山拱擁內有古刹

北岳臺卽北峯臺也在縣北六里石印突起上有北
岳廟春時縣人多往祈者或云頗著靈異

石罅在蘆芽山上構危樓

萬佛洞在蘆芽山明釋福登居此神宗賜號真來佛子造萬佛鐵塔萬佛石洞於其間

東雪山在縣東南二十五里高八里上下雙泉湧出有馬家寺古塔

南山在縣南五里上有長城遺跡

西雪山在縣西南二十五里山勢崇峻暑月清涼

荷葉坪在蘆芽山南高千餘丈終歲積冰雪四面崇

峻其頂平夷形類荷葉大可容萬馬或傳宋將楊

業曾於此操兵有將臺遺趾

按於此聚兵當是元末四大王耳而誤為

寧武府志

卷之二

山川

六

業矣

魏志荷葉坪五寨與寧化兩書之然自當歸五

寨魏既以蘆芽管涔為一山而荷葉坪乃其南

峯然記蘆芽則云盤踞六十里於荷葉坪則云

八十里至寧武所載荷葉坪復云廣百餘里一

山而自為不同若此

風洞峯在縣南五里高與天際巖間有穴而小奇

橫生土人以為風洞云其傍有舊壩約十餘丈

掘何時築今磨滅殆盡

山躡山在縣東北三十五里石上有馬蹄跡傳爲尉
遲敬德之遺

清漣河源出縣東南六十里蘆芽山下自蘆芽北流
二十里至縣之店坪村經南山下又北流三十五
里至薛家口流分爲二其一東北流至縣之小武
州而止其二北流五里經縣城南折而東一里至
東關外自東而北順流六十里至三岔堡折而西
流六十里入河曲縣與河曲沙泉水合流八十里
經保德州北花園子入於黃河凡行三百一十三

寧武府志

卷之二

山川

九

里清漣水始發南山山高地險水性湍急至薛家
口則漸平分支而流勢亦少殺雖淺狹而清澄
不濁戶人資之引溉園圃

彌漣池或云彌勒水深丈餘廣盈數丈澄空及底流
光若金故又謂之金蓮池源出荷葉坪東馬頭山
東流至蘆芽山下淨水池與清漣水合

神武川源出縣東南神武鎮口流歸清漣水

見叙山川必以經緯五寨之水清漣其經而彌
漣神武其緯也經水能自達乎大川若瀆之能

自至於潁水不能自達必因經水而通
十四年因檢列縣請水得五寨縣令所送水道
觀其形勢知潁連神武皆小水而清漣則其大
者故所叙與魏志特殊

甘露泉在縣東南十五里馬家寺或傳尉遲敬德行
兵至此軍渴馬跑山泉因名馬跑泉今泉上有龍
祠

確雲洞在蘆芽山側石室天成

大天淵小天淵俱在蘆芽山中兩山中斷萬仞無涯

寧武府志

卷之二

山川

三

或謂五寨有殊頽水又謂殊頽與太羅水南流
至汾州且六百里又志景物謂殊頽水源於縣
之店坪山然檢五寨實無殊頽水者或者之意
蓋以店坪置殊頽縣卽今五寨地是因水經
注有樹頽水遂欲假其名以強實之其說曰元
魏置殊頽縣隸神武郡今五寨南山有殊頽水
又云石碛清漣潁連神武川諸水尋源竟委其
樹頽則八羅必不能外此二者是徒見水經而
仍未知一經也水經云河南邈定襄間過

南樹頽水注之又南太羅水注之酈元注云樹
頽水出東山西南流至沃陽故城西而南注於
河太羅上承樹頽水南流西轉逕武縣故城南
又西南注於河夫黃河初不經五寨而樹頽太
羅自塞外已注入焉安得五寨有此二水哉且
二水已注於河又何從南流以入汾而云至汾
且六百里乎又謂蘆芽一名太古牢山太牢太
羅其聲相近亦猶今呼討討城爲脫脫城卽樹
頽水或屬塞外而太羅水亦必出於蘆芽山矣

寧武府志

卷之二

山川

三

則又不能自持其說而徒愈滋紛惑者

夫志山川則猶詮叙人物云爾奇瑋是登餘非
盡錄也若乃雲雨所興以之爲望藪澤鍾美必
有所資及其舊跡靈名麗觀勝矚於焉是記片
壤增華至如岑阜非奇行潦流惡斯鋪陳而何
取亦綴屬之徒煩故此所書已備其概餘諸瑣
細無足堪述者不復次注圖經矣

津梁附

西關永濟橋明時舊建

南關木橋在恢河上每十月則構以渡行者夏
月水發橋將漂毀則撤之

陽方堡安遠橋明都御史高文薦建於九龍口
自堡城西南直接東山築埝壘石橋長八十
餘丈下爲水門五上建高樓陽方爲寧武咽
喉此橋旣建敵騎不能長驅後毀於水兩堤
僅存文薦自有記刻石

上寧武

廣濟橋關南迤東五里明嘉靖中守備薛昂建
其後修橋者四面復圯焉雍正十年民呂致
募資重修

通濟橋在廣濟橋東百步許亦嘉靖中建今廢
久矣

城西鞏西橋去西城一里嘉靖二年守備崔堂
建已久廢

城西北永濟橋去城西北隅一里明天啟三年
兵備楊若予叅將盧晰同建後凡再修雍正
元年設於水

控北橋明崇禎六年兵備慮友竹建後因修關
城乃毀橋而取其石

城東通真橋在東門外明嘉靖十八年總兵祝
雄建

老營堡寧邊橋在營西門外偏關老營往來之
路也

上偏關

趙官莊橋在縣西七十五里雍正三年民高溥
等建

寧武府志

卷之二

津梁

三

喬官莊橋在縣西八十里康熙五十三年民張
鉉等建皆塘郵大道

上神池

西關石橋

東關石橋南山水流其下

郭家河橋在城西北三里為往來通途

右所石橋在城東五里

神武鎮口大橋城東南二十五里

郭家河橋縣北二十五里河保水泉二營

官莊大石橋城北六十里東接神池爲京師
西往來塘路

店坪山木橋在縣南四十里深溝峭壁
險

三岔西關大石橋通京師之路

長城梁在縣南五里

上五寨

